

[Leipzig], 18. Mai [1556]

Von Joachim Camerarius d. Ä.

Druck: Camerarius, Epistolae S. 447f.

Clarissimo viro, eruditione singulari praedito Hieronymo Wolfio.

S. D. Interpretationem tuam aevo videre, et descriptionis tuae et historiae caussa. Non enim illum eo tempore Graecum disertiùs narrauisse τὰ ιστορούμενα, quàm te expositorum esse mihi persuadeo. Quare editionem opto maturari. Nomina quaedam ascripta à te quae significas tibi occurrere in illo autore, facilè potes animaduertere vel ad Latinae linguae proprietatem malè expressa, vel de Latinis Graeco sono, vel etiam de Graecis Latino corrupta. Sed si videbitur, de his aliàs plura. eram enim hoc tempore minimè ociosus. Polybij iερὸν στέφανον semper iudicauit hoc velle, neutrum illorum Imperatorum sibi victi alterius gloriam et praemium potuisse vendicare, sed illam palmam consecrasse, id est intactam reliquisse in medio. De quo si tu aliter sentis, facies me certiorem, vt quaeram ampliùs. Scripsi aliquando tibi de libris Graecis Mathematicis, inter quos Anatolij indicatus de ortu siderum libellus est. Hunc an nacti sitis, cupio cognoscere. Inclusi his litteras scriptas, vt vides, ad D. Pamgertnerum: eas curabis reddendas. Quid praeterea modò scriberem, non erat. Valebis igitur, et salutabis nostrum Cyprianum, cuius operis, quàm paeclari et copiosi et vtilis: specimen nuper huc allatum ἤγουν δεῖγμα vidimus, et elaborationem cupidè expectamus. Vale. 15. Cal[endas] Junij.